

ТААБАРИНУУД

Хабартаа үмхирдэг, үбэлдөө дулаасуулдаг,
зундаа үгы болодог, намартаа амидырдаг.

(Саһан)

Газаа – хада, гэртэ – уһан.

(Саһан)

Галда шатадаггүй, уһанда шэнгэдэггүй.

(Мүльһэн)

Аһан жаахан амитан аад, аяар томо амитаниие бархирууг

(Боргооһон)

Тайгын оёороор таша улаахан хибэс дэлгээтэй.

(Алирһан)

Бургааһаар бугые унагаана.

(Годли)

Ортон зомнай шэмээгүйхэнөөр зөөнэ.
(Утаан)

Монсогорхон хүбүүн моринһоо хурдан.
(Буугай һомон)

Улаан бургааһан уруугаа ургаа.
(Үнээнэй һүүл)

Хэбтээл наа хэбтэнэб, бодоол наа тэнгэридэ хүрэхэб.
(Харгы)

Ахань дүүгээ хүсэбэгүй.
(Тэргын мөөрнүүд)

Ши тэрээгүүр ошо,
Би энээгүүр ошохоб,
Тээ тэндэ уулзахабди.

(Бэлэ бэлэлхэ)

Оёдолгүй аад, зүйдэлтэй.
(Тэнгэри)

Мигдар мигдар гэшхэдэлтэй,
Мянга түмэн дахуултай.
(Морин, мориной һүүл)

Газар доро
Шара тоһон. *(Тарбаган)*

Үдэр гурбалжан,
Һүни дүрбэлжэн.
(Үрхэ)

Дүүдэй дүүдэй дүрбүүлээ,
Дүрбэн галуун дүүеэд ерэнэ,
Дүйтэй хүүхэн тодоод абана.
(Үнеэ һааха)

Хоёр хонин холбоотой,
Хотогор зээрдэ уяатай.
(Шүдэн, хэлэн)

Тоти шубуун дунал уна уугаад,
Саһата сагаан уулада
Сараа гаргана.
(Ном бэшэхэ)

Тайгаһаа нааша
Табан басаган
Таталда таталдаһаар ерээ.
(Оймхо оёхо)

Шамһаа бага аад,
Шамай даагаа.
(Дүрөө)

Мүльһэ соолоод,
Мүнгэ олооб.
Мүнгэ соолоод,
Алта олооб.
(Үндэгэн)

Ой соо орбоохой,
Ойронь ошоходо сошомхой.
(Хабхаан)

Сагаахан хүбүүн
Ерэхэдээ даруухан,
Хэбтэхэдээ дуугай,
Бусахадаа уйладаг.
(Саһан)

Мүльһэтэ нуур
Модон эрьетэй.
(Сонхын шэл)

Үндэр хүн үрөөһэн нюдэтэй.
(Зүүн)

Түшөөтэ хаан түрөөд ерэнэ,
Засагта хаан залаад үгэнэ.
(Ногооной ургаха)

Ехэ гэр соо бага гэр,
Бага гэр соо балшар хүбүүн.
(Гутал, оймһон, хүл)

Шагнаахайн газар
Шаргал дааган уяатай.
(Шэхэнэй һиухэ)

Ши энээгүүр , би тэрээгүүр –
Бэлюухын газар уулзахабди.
(Бүһэ)

Шүдэгүй үбгэн ерээ,
Яһагүй мяхаар хүндэлөөб.
(Үхибүүндэ хүхэ хүхүүлхэ)

Лама бэшэ аад,
залалга ехэтэй,
Эмшэн бэшэ аад,
ухаа ехэтэй.
(Шэгнүүр)

Хотон соо
хоёр улаан шагай.
(Бөөрз)

www.nomoihan.com